

# КҮЧ-КӨЛСЧНРИН ҮГ

Сарпинск района цуг күч-көлсчнр Советск Союзин Коммунистическ партин ЦК-н ноябрьск Пленумин шийдврийг делгүдән үнн седкләрн дөнънджәнә.

«Путь Ленина» колхоз бәәх Обильное селән деер колхозникудин митинг болв. Эн митингд 150 колхозник орлцв. Тедн хөөнд искусствен көг тавлгъиг декабрин 1-н күртә төгсәх болдж даалгъвр авцхав, мал үвлзүллгъиг сәәнәр кех болдж үгән өгцхäv.

Колхозин хө өскәчнр дунд бас митинг болв, 130 гар хөөчнр орлцв. Ах хөөч Сергеев 100 хөн болгънас 115 хургъ авх болдж үгән өгв, хәләджәх хөөдән бүрн-бүтн хадгълдж гаргъх болв, ах хөөч Емельянов П. В. 1958-ч джилә хургъдас 3 килограмм 900 грамм ноос киргъдж авад, цуг хөөдән бүрн-бүтн үвләс авч гарх болдж үгән өгв.

«Гигант» колхозин колхозникудин митингд 280 күн орлцв. Хар-газрт бәәсн хөөчнр дунд бас эн төрәр күүндвр болв, цуг хөөчнр Н. С. Хрушевн докладин тезисмүдиг таасджана.

«Путь к коммунизму» колхоз эн джәшид хулддж авла. МТМ, автотаркин, хозчастин көдләчнр дунд Пленумин шийдврийг болн Н. С. Хрущевн докладин тезисмүдиг икәр та-

асдж, БПСС-н XXI-ч хуртг уктдж ик производствен даалгъвр авцхав.

МТМ-н механизатормудин зәрмснх солоом хуралгънд гарцацхана, үлдсн улснх трактормудан, селәнә эдлахун инвентармуд яслгъиг болзгаснх урд төгсәхәр гүдждж көдлджәцхәнә. Шофермүд малин хотиг үвлзнгүр зөөлгънд шунмгъагъар орлцджана.

«Сарпинский» совхозин күч-көлсчнр дунд бас митинг болв. Директорин дарук үр Кошин, токарь Зверьев болн нань чигн улс босдж үг келәд, даалгъвр авцхав, үлгүрнх келхд, үр Зверьев өдрә зурагъан 150—180 процент күцәх болдж үгән өгв. Эн совхозин хөөчнр, малчнр дунд бас митинг болв, 50 шаху хөөчнр орлцв, 12 ах хөөчнр босдж үг келәд, социалистическ даалгъвр авцхав.

Ах хөөч М. М. Цеденов 100 хөн болгънас 115 хургъ, 5,5 килограмм ноос киргъдж авх болав, ах хөөч И. С. Буганцев бас 100 хөн болгънас 115 хургъ, 6 килограмм ноос авх болв, ах хөөч Курнасов хөн болгънас 6 килограмм ноос авх болв, малч Саранговин гуртд 180 толгъа бөд мал бәәнә, теднәс 85 үкр тугълхмн. Үр Сарангов 85 үкрәс 85 тугъл авх болдж даалгъвр авб.

**Алексей БАЛАНЕВ.**